



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. VIII. Alia objectio solvitur,

[urn:nbn:de:hbz:466:1-77232](#)

ab ea quam Molina excogitavit: five potius attribuunt scientiae mediae, quod ceteri Theologi ad scientiam simplicis notitiae pertinere asserunt.

230. Diligenter observandum est, & ex Dialetica recolendum: fieri posse quod conditionalis, in vi consequentia, & illationis, necessaria sit, quamvis utrumque extremum sit liberum, & contingens; immo & falsum, vel impossibile: v.g. haec conditionalis, in vi consequentia est necessaria; *Si Petrus videret parietem, paries est virus.* *Si Petrus loquitur, movet linguam;* & tamen utrumque extremum secundum se sumptum, liberum est & contingens. Et ista, *Si homo est equus, est hinnibilis,* est necessaria; & tamen utrumque est falsum, & impossibile.

231. Secundo advertendum est, divinum decretum duplicitate posse importari in antecedenti propositionis conditionalis: primò per modum conditionis expressæ, v.g. quando dicitur, *Si Deus hoc efficaciter decreverit, illud erit.* Secundò implicite, & ut medium, seu ratio formalis, quā Deus uititur ad cognoscendum objectum conditionate futurum, quod in tali propositione exprimitur.

232. His presuppositis, dicimus quod quando in antecedenti propositionis conditionalis, decretum, vel prædeterminatio, aut gratia efficax, quā ex illo provenit, ponuntur per modum conditionis explicitæ, & expressæ; & quando in ea exprimitur vis illationis, & consequentia: tunc illa à Deo cognoscitur per scientiam simplicis intelligentiæ, quā comprehendit suam omnipotenciam, ac vim & efficaciam sua voluntatis, & suorum auxiliorum; & quā penetrat omnes consequentias, & illationes necessarias. Unde cùm in hac conditionali, *Si Deus daret Iude gratiam efficacem, converteretur,* exprimatur bonitas illationis, & consequentia, quā naturalis est & necessaria, uringe deducēta ex hoc principio omnino necessario, *Quidquid Deus efficaciter vult, & prædefinit, infallibiliter eveniet;* cùmque in ea decretum involvatur per modum conditionis explicitæ, & non solum per modum motivi, rationis formalis cognoscendi hoc futurum conditionatum, hinc sit illam non cognosci à Deo per scientiam liberam, sed naturalem & necessariam. Sicut etiam in opposita sententia, si conditionalis fiat ex ipsa scientia media, & objecto futuro: v.g. *Si Deus praescit Judam convertendum, Judas converteretur,* est necessaria consequentia, pertinetque ad scientiam simplicis intelligentiæ eam cognoscere, quia licet extremum, scilicet conversio Iude, sit liberum & contingens; consequentia tamen illa, in vi consequentia, & conditionalis, est necessaria.

233. Dices, In hac conditionali, *Si Deus daret Iude gratiam efficacem, converteretur,* illatio non est necessaria, sed contingens & libera: Ergo non cognoscitur à Deo per scientiam naturalem, sed liberam. Consequentia patet, Antecedens probatur. Ex gratia efficaci, & physicè prædeterminante, auctus liber, seu consensus voluntatis creature, non sequitur necessario, sed contingenter & liberè; quia divinum decretum, ratione infinita efficacia quā pollet, attingit non solum substantiam, sed etiam modum libertatis & contingentia in nostris operationibus, ut disp. 4. art. 5. declaravimus. Ergo non solum illud consequens, *Judas converteretur;* sed etiam, hanc illatio & consecutio, *Si Deus daret Iude gratiam efficacem, con-*

A verteretur, libera est & contingens.

Respondeo negando Antecedens, ad cuius probationem dicendum est, quod licet ex divina prædefinitione, & gratia efficaci, quae est ejus executio, effectus prædefinitus, liberè, & contingenter proveniat; vis tamen illationis & consequentia necessaria est; quia necessarium est, & non contingens, aut liberum, quod ex omnipotenti Dei prædefinitione, effectus prædefinitus sequatur, eo modo quo prædefinitus est; ac proinde quodlibet & contingenter eveniat, si Deus decreverit, & prædefinierit, creaturam liberè & non necessariam operaturam. Unde D. Thomas, contra Gentes cap. 94. *Si Deus pravidis quod illud erit futurum contingenter, sequitur infallibilitas, quod erit contingenter, & non necessarium.* Idem exp̄s̄ docet Anselmus in libro de concordia cap. 1. his verbis: *Quoniam quod Deus vult non potest non esse, cum vult horum voluntatem, nulla cogi aut prohiberi necessitate ad volendum, vel ad non volendum; & vult effectum sequi voluntatem, TUNC NECESSE EST VOLUNTATEM ESSE LIBERAM, & esse quod vult.* Quibus verbis aperte docet, ex efficacia voluntatis divinæ, necessariō sequi, voluntatem esse libera, & liberè operaturam; si Deus voluerit & prædefinierit, eam liberè operari. Quare licet istud consequens, *Petrus liberè operabitur, liberum sit & contingens:* hanc tamen illatio & consequentia, *Si Deus voluerit Petrum liberè operari, liberè operabitur,* non est contingens, sed necessaria.

§. VIII.

Alia objectio solvit.

Protest etiam in favorem scientiæ mediae fieri 235. hoc argumentum. Si scientia Dei, respectu futurorum conditionatorum, sit fundata in decreto efficaci, & prædeterminante, erit subjectivè tantum libera, & necessaria objectivè: Consequens est falsum, & contra Thomistas, qui docent scientiam conditionatorum, quam in Deo admittunt, esse omni ex parte liberam; nec solum ex parte subjecti, sed etiam ex parte objecti; & per hoc illam distingui à scientia media, quæ (ut docent ejus Assertores) est objectivè tantum libera, & necessaria subjectivè: Ergo &c. Sequela Majoris probatur: A decreto efficaci, ad futurum conditionatum, est consequentia necessaria: Ergo si futura conditionata in decreto efficaci cognoscantur, objectum illius scientiæ necessarium erit, & consequenter illa erit necessaria objectivè, & libera tantum subjectivè.

Respondeo negando sequelam Majoris, ad cuius probationem, concessio Antecedenti, distinguo Consequens. Ergo si hanc futura cognoscantur in decreto efficaci &c. si tale decretum ingrediatur ex parte conditionis, seu ex parte antecedenti, concedo. Si sit medium solum ex parte subjecti, quā ratione à nobis constituitur, nego. Objectum itaque scientiæ conditionata, quam in Deo admittimus, est conditionatum contingens: v.g. istud, *Si vocavero Petrum, consentier:* quia antecedens hujus scientiæ, non est vocatio & efficax decretum, sed sola vocatio, cum qua ut sic non connectitur necessariō consensus, sed liberè & contingenter: decretum autem à nobis constituitur ut medium ex parte subjecti, & quia hoc decretum est de consensu futuro, ut futuro contingenter, hinc sit quod licet illum inferat infallibiliter, non tollit, sed infert quod sit futurum

turum contingens, sub tali conditione.

237. Dices, Consensus sub conditione futurus, non est objectum hujus scientie, nisi ut subest decreto efficaci: Sed ut sic, est necessarius: Ergo dicta scientia est necessaria objectiva.

Respondeo distinguendo Minorem: Est necessarius necessitate absoluta, destruere contingentiam, nego: Necesse est suppositionis, inferente contingentiam, concedo. Et quidem ipsi Adversarij fatentur, objectum scientie mediae esse necessarium necessitate suppositionis; cum hoc tamen discriminare, quod nostra suppositione antevenerit consensum voluntatis create, prioritate naturae; illorum autem suppositione, ad illum consequitur, eumque praesupponit. Ceterum, sicut illi docent talem suppositionem non tollere libertatem, quia descendit ab ipsa libertate & electione voluntatis create: ita nos contendimus, nostram suppositionem, quamvis antecedenterem prioritate naturae, non praetudicare libertati; quia illa similiiter oritur a primo principio, primaque radice libertatis, & descendit a primo libero, primoque determinante; ac proinde est virtualiter, seu aequivalenter consequens, ut supra annotavimus.

238. Dices, Visio beatifica est suppositio proveniens a primo libero, scilicet Deo, & tamen destruit libertatem: Ergo male infertur, quod prædeterminatio physica non tollat libertatem; eò quod descendat a primo libero, & a primo libertatis principio oriatur.

Respondeo, Quod licet visio beatifica sit aliqua suppositio descendens a primo libero, materialiter & specificative sumpto, id est, liberè concurrente cum intellectu beatorum ad talem operationem: illa tamen non est a primo libero, formaliter ut tali, id est movente per modum liberi, & causante modum libertatis in nostris operationibus: quia in visione beatifica Deus non applicat voluntatem beati ad dilectionem, & amorem beatificum, sub indifferentia objectiva judicij, que est proxima radix libertatis; & quæ posita, implicat tolli libertatem, eaque sublatâ remanere, ut in Tractatu de prædestinatione ostendemus. Suppositio autem decreti prædeterminantis, & physica prædeterminationis, cum non tollat, sed causet in intellectu indifferentiam objectivam judicij; & sub tali indifference moveat & applicet voluntatem ad eligendum vel consentiendum, procedit a Deo, non solum ut liberè agente, sed etiam ut movente per modum liberi; ac proinde descendit a primo libero, non solum materialiter, & specificative sumpto, sicut visio beatifica; sed etiam a primo libero, ut tali formaliter, & reduplicative.

S. IX.

Solvitur argumentum de admirabilitate scientie Dei.

239. Objiciunt ultimò quidam Recentiores: Si scientia Dei, respectu contingentium absolorum, vel conditionatorum, est fundata in decreto, & prædefinitione voluntatis divine, nihil habetur mirabile, aut eximum, ac superans facultatem intelligentie creatæ: Consequens est falsum, & repugnans Scripturæ, & SS. Patribus, qui tam præcellentem præsciendi futura rationem, mirum in modum extollunt. Unde, præscire quæ sunt liberè futura, solet vocari divinare, ut per hoc significetur, talem præscientiam.

Tom. I.

A tiam esse aliquid divinum, Deoque maximè proprium, juxta illud Isaiae 42. *Annunciate quæ ventura sunt, & dicemus quia Dy estis vos.* Cui consonat illud Tertulliani in Apolog. cap. 20. *Idoneum opinor testimonium divinitatis, veritas divinationis:* Ergo scientia Dei respectu futurorum contingentium, non est fundata in decreto.

Sequela Majoris probatur: Si præscientia Dei respectu futurorum, esset fundata in decreto prædeterminante, hæc duo tantum in illa reperirentur: primum, quod Deus videret in se immediate decreta sua voluntatis actu præsentia; per qua statut, hunc vel illum hominem, tali loco & tempore prædeterminate ad ita operandum:

B secundum, quod in eo decreto, ut medio, Deus cognosceret fore quod homo ita operabitur. At primum non est admirabile, aut divinum: nam quisvis spiritus, etiam creatus, facilè videt consilia sua, seu decreta sua voluntatis præsentia. Secundum etiam non est admirabile, aut Dei proprium: est enim manifestè connexum cum decreto Dei prædeterminandi efficaciter ad talem operationem, quod ea operatio erit: At manifestè connexa quis non videt: Ergo si scientia Dei respectu futurorum sit fundata in decreto, nihil in illa erit præclarum, vel admiratione dignum, & quod Dei oculos, ac infinitam ejus perspicaciam, & intelligendi vim commendet ac extollat. *Nam ante decretum aetuale & exercitum, nihil cognoscet circa res futuras: post ipsum verò decretum, videbit hoc tantum, quod propè dicam, videre posse & noctua,* inquit P. Annatus libro sepe citato de scientia media, pagina 595.

Prinsquam huic argumento respondeamus, 240.

placer illud in Adversarios retorquere, & breviter demonstrare, quām inepta & absurdā sit illorum ratiocinatio. Si enim quidquam valeret, probaret, non solum scientiam Dei liberam, sed etiam scientiam naturalem, quam habet de suis attributis, & scientiam simplicis intelligentie, quā cognoscit res possibles; immo & scientiam medianam, per quam (ut illi docent) ante decretum, res conditionate futuras contemplatur, nihil habere præclarum, & mirabile, nec superare vires, & facultatem intelligentie creatæ; Deumque per illas scientias, non plus videre, quām quod prope dicam, videre possent & noctua. Scientia enim Dei respectu attributorum, duo tantum importat: primum est, quod Deus cognoscat suam naturam, veluti radicem, & caulinam virtualem, seu rationem à priori suorum attributorum; secundum, quod in ea videat sua attributa, veluti affectiones, & proprietates illius. Primum non est mirabile, nec Deo proprium; nam quilibet etiam spiritus creatus, facilè videt suam naturam. Secundum etiam non est præclarum, nec admiratione dignum; cùm attributa, non solum sint intimè cum natura divina connexa, sed etiam ab ea realiter indistincta: manifestè autem conexa, & realiter identificata, quis non videt? Ergo si valeat Adversariorum discursus, scientia Dei respectu attributorum, nihil habebit præclarum & mirabile, ac Deo proprium; & Deus videbit hoc tantum quod propè dicam, videre possent & noctua. Item cùm scientia simplicis intelligentie duo tantum includat, scilicet quod Deus cognoscat suam omnipotentiam, & quod in ea videat res possibles, quæ intimam habent cum ea connexionem, & dependentiam: illa similiiter nihil habebit præclarum, & eximum, & quod Dei oculos, ac infinitam sui intellectus perspica-

Tt